



UNTUK SIARAN SEGERA

SIARAN MEDIA

JABATAN SUKARELAWAN MALAYSIA (RELA)

**93 PELATIH RELASIS DITAUHIAH PEGAWAI SUKARELAWAN MUDA DALAM MAJLIS
PENTAULIAHAN BRIGED RELA SISWA SISWI (RELASIS) TAHUN 2023**

MELAKA, 7 Oktober 2023 - Seramai 93 pelatih Briged RELA Siswa Siswi (RELASIS) dari tiga (3) Universiti Awam dan lima (5) Politeknik dari seluruh negara daripada 183 orang pelajar secara keseluruhan telah ditauliahkan watakah Pegawai Sukarelawan Muda berpangkat Penolong Penguasa Kanan RELA (PPgKR) yang disampaikan oleh YBhg. Datuk Haji Ruji bin Haji Ubi, Ketua Setiausaha, Kementerian Dalam Negeri (KDN) bertempat di Akademi Latihan RELA Malaysia (ALARM) Sungai Udang, Melaka di sini hari ini.

Pada majlis pentaualiahan tersebut, seramai 41 orang pelatih merupakan penuntut jurusan jurusan Ijazah Sarjana Muda manakala 52 orang pelatih pula penuntut jurusan Diploma. Pelajar-pelajar ini telah berjaya menamatkan lima (5) siri kursus melalui modul dan silibus RELASIS Institut Pengajian Tinggi Awam dan Swasta (IPTA/IPTS).

Majlis pentaualiahan ini merupakan manifestasi berterusan RELA dan Institut Pengajian Tinggi (IPT) untuk menyokong usaha dan hasrat kerajaan selaras dengan prinsip Malaysia Madani yang dicetuskan YAB Perdana Menteri Malaysia melalui prinsip Kesejahteraan, Hormat, Keyakinan dan Ihsan bagi memperkasa agensi keselamatan khususnya RELA dalam melahirkan generasi muda yang mempunyai jati diri dan semangat kesukarelawanan yang tinggi sejajar dengan konsep keselamatan tanggungjawab bersama.

Menurut YBhg. Datuk Ketua Setiausaha, inisiatif RELA dalam mengembleng sukarelawan khususnya pelatih RELASIS yang juga golongan muda seharusnya dimanfaatkan sebaik mungkin dalam memajukan masyarakat setempat di mana mereka ini merupakan pelapis kepimpinan negara pada masa depan.

Briged RELASIS terawal ditubuhkan adalah pada tahun 2010 di Universiti Tun Hussein Onn Malaysia (UTHM). Sepanjang penubuhan Briged RELASIS, bermula dari tahun 2010 sehingga sekarang, seramai 2,276 orang telah berjaya ditauliahkan.. Tambahnya lagi, dengan penubuhan Briged RELASIS ini, secara langsung telah mewujudkan banyak pilihan kepada pelajar-pelajar untuk menyertai aktiviti kokurikulum.

Pada tahun ini, penubuhan Briged RELASIS telah berusia 13 tahun. Dengan kerjasama yang baik daripada pengurusan RELASIS di IPT dan jabatan/agensi awam yang merupakan rakan strategik RELA dalam melatih para pelajar berdasarkan silibus yang dibangunkan telah dapat memastikan penubuhan Briged RELASIS kekal sehingga hari ini.

Majlis ini turut dihadiri oleh YBhg. Dato' Haji Abdul Halim bin Hj. Abd. Rahman, Timbalan Ketua Setiausaha (Keselamatan) KDN dan YBhg. Datuk KPjR Yahya bin Sulaiman, Ketua Pengarah, Jabatan Sukarelawan Malaysia (RELA), pegawai kanan KDN/RELA, wakil Jabatan Pendidikan Politeknik dan Kolej Komuniti (JPPKK), Komander RELASIS, Adjutan RELASIS, Pegawai Penyelaras serta ibu bapa pelajar yang menerima tauliah.

Pada majlis yang sama, YBhg. Ketua Setiausaha turut menyempurnakan upacara pelancaran logo baharu Briged RELASIS dan pelancaran Bulan Integriti RELA Tahun 2023 bertemakan "Integriti Citra Malaysia Madani".

JABATAN SUKARELAWAN MALAYSIA (RELA)

Kementerian Dalam Negeri
Putrajaya

###